

David Montalà i Palau, Secretari deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 18 de hereuèr de 2013, adoptèc, entre d'auti, er acòrd següent e que transcrit literaument ditz:

“8au.- APROBACION, SE PROCEDÍS, DERA DECLARACION DESÈRTA DERA LICITACION DERA CONTRACTACION DER “*ARRENDAMENT D'UN CENTRE DE TRABALH ESPECIALU ENTARA SUA EXPLOTACION COMA LAUARIA INDUSTRIAU ENA VAL D'ARAN*” MEJANÇANT PROCEDIMENT DUBÈRT PER RASÓN DERA QUANTIA, DAMB TRAMITACION ORDINÀRIA.-

Vist er acòrd de Conselh de Govèrn de 6 d'agost de 2012 d'aprobacion deth Plec de condicions qu'an de regir era contractacion der “*Arrendament d'un Centre de Trabalh Especialu entara sua explotacion coma lauaria industriau ena Val d'Aran*”.

Dat que se publiquèren es plecs d'aguesta licitacion en BOP de Lleida num. 151, de 30 d'octobre de 2012, en DOGC num. 6242, de 29 d'octobre de 2012, e en perfil deth contractant, en tot quedar definitivament aprovadi, en non auer-se presentat cap allegacion ne reclamacion en contra, eth dia 23 de noveme de 2012.

Vistes es actes dera Mesa de Contractacion d'11 e 16 de gèr de 2013 e de 15 de hereuèr de 2013 e dat qu'era unica aufèrta presentada non se considèra admissible cossent damb es critèris fixadi en Plec que regís aguesta licitacion.

Cossent damb tot açò expausat, e vist er article 151 e concordants deth Reiau Decret Legistatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public (TRLCSF), se prepausa ath Conselh de Govèrn declarar desèrta era licitacion d'aguest arrendament, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth sindic d'Aran, mejançant Decrèt num. 240/2011, de 20 de junh [BOP de Lleida num. 110, de 4 d'agost de 2011, e DOGC num. 5938, de 9 d'agost de 2011].

Un còp sosmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Declarar desèrt eth procés dera contractacion der “*Arrendament d'un Centre de Trabalh Especialu entara sua explotacion coma lauaria industriau ena Val d'Aran*”, mejançant procediment dubèrt per rason dera quantia, damb tramitacion ordinària, cossent damb çò previst enes articles 22, 115 e 151 deth Reiau Decret Legistatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public.

Dusau.- Notificar aguest acòrd a toti es licitadors as efèctes oportuns.

Tresau.- Dar publicitat d'aguest acòrd en BOP de Lleida e en Perfil deth Contractant.

Quatau.- Notificar aguesti acòrds ara Tresaureria deth Conselh as efèctes oportuns.


Cincau.- Facultar eth sindic d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”


Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònste ar efècte oportun, signi aguest certificat d'orde e damb visteplatz deth Sindic.

Vielha, 19 de hereuèr de 2012

Visteplatz
Eth Sindic




Carlos Barrera Sánchez